



UNIVERSITÄTS-
BIBLIOTHEK
PADERBORN

**Vitæ Sanctorum Sacris per singulos anni dies
Meditationibvs illustratæ**

Paderbornæ, 1697

S. Ceadda Episc: 2. Martii.

[urn:nbn:de:hbz:466:1-62968](#)

260⁷ 194⁴ [c. 9]

S. CEADDA EPISC

2. Martii.

*Satagite, ut per bona opera certam
vestram vocationem, & electio-
nem faciatis. S. Petrus. Ep. 2. c. 1.*

Mortem ut ne timeas, time Lector; neque enim illi olim timent, qui nunc timent: id quod CEADDA Merciorum & Lindisfarnorum in Anglia Episcopus manifestum faciet. Obiit ille anno post Orbem restauratum Septuagesimo secundo supra Sexcentesimum. Gremium mortuo Mari templum præbuit, ipse ægris asylon tumulum suum, cuius pulvis haustus morbidis quam plurimis saluti fuit. Cæterum solitus est, dum vixit, quoties vehementior cælo ventus insurgeret, humi se abjicere magnisque vocibus MISERICORDIAM DEI implorare: jam cælo gravius succensente, & fulgura tonitruaque miscente, ad templum fugere & aram; neque ibi prius sibi à lachrimis temperare, quam iterum Sol rideret. Causam interrogatus, respondit: ex his veluti præludiis æstimare se illum supremum ac decretorium

150) 155. (150)

cretorium diem. Utique minus tunc hominem fulgurantes judicis oculos, & fatalem ab arcu sententiam detonantem laturū. Sed talis CEADDA nunquam magis serenum Cælum, quam moriens aspexit. Siquidem septem continuis diebus aspectabiles è cælo Angelos habuit, qui ad cæli gaudia invitārunt emeritum, utque aures faciles impenetrarent, ah! quali musicā has demulserunt. Ultimò, cum iisdem Frater CEADDÆ adfuit, qui cùm nuper adeò in cælum ivisset, viam scilicet nunc Germano monstravit.

Ex Beda, Histor. Eccl. Gent. Angl.

M E D I T A T I O

De signis prædestinationis.

I. **T**ametsi nullus, dum vivit, omnino sciat, an electus, an reprobus futurus sit; sunt tamen prædestinationis signa propè certissima. Si miseriis, si afflictionibus premaris, easque humili ac patienti animo feras, signum est, ut dolorum, sic gaudiorum Christi, socium te fore. Timete igitur hujus mundi felices, qui habetis bona in vitâ vestrâ, & quorum votis fortuna videtur famulari; non enim Christum, sed reprobum Evangelii divitem sequimini, nec èà, quam teneris, viâ ad cælum perverietis; quoniam per multas tribulationes oportet nos intrare in Regnum Dei. Act. Apost. cap. 14.

K 5

21

54
450) 195. (500)

2. Alterum prædestinationis signum est rectus sacramenti pœnitentiaz usus. Peccare omnium est; at electorum duntaxat recte pœnitere. Cave diligenter, ne propter pœnitentiaz procrastinationem in peccato moriaris. Noli peccata iam confessione expiata iterum committere.

3. Instum virtutis, & honorum operum studium, pietas in Jesum, vel in Cruce morientem, vel delitescentem in sacro Eucharistiaz Sacramento, cuius Mariæ singularis, signa sunt prædestinationis nostræ. Inquire in te ipsum, vide, utrum hæc omnia signa, aut horum aliqua habeas; ea enim si in te deprehendas, Deo confide, & habe magnam spem tue salutis *vocationis & justificationis vestrae* aliqua signa mihi videor intueri. S. Bernard.

S. CUNEGUNDIS.

3. Martii,

Charissimi, obsecro vos tanquam advenas, & peregrinos, abstinere vos à carnalibus desideriis, quæ militant adversùs animam.

S. Pet. 1. Ep. c. 2.

NVlla tam in diademate CUNEGUNDIS gemma, quam in ipsa CUNEGUNDE Virginitas splenduit; quæ ut cæli oculos mirè